



Universitätsbibliothek Paderborn

**Confessionale,|| In Qvo || Vniversa || Materia De ||
Confessione Pec-||catorvm Apvd Catholicos || vsitata per
Quæstiones explicatur**

Eisengrein, Martin

Ingolstadii, 1577

VD16 E 795

LIII. Vtrum teneatur mutus per scriptu[m] confiteri.

urn:nbn:de:hbz:466:1-30362

Caput III. De Qualitate

Adde, quod si eum per rescriptum absoluueret, fortasse iam tunc poenitens mutatus esset animo, ita ut indignus eset Absolutione, aut fortasse vita defunctus. Ideoque eorum exemplo, qui à lepra curati, iussi à Christo sunt ostendere se Sacerdotibus, docetur corporali præsentia confitenda esse Sacerdoti peccata, non per nuntium, non per scriptum, aut epistolam manifestanda, sed facie ad faciem.

Luc. 17.

Si verò quis in præsentia Sacerdotis scripto confiteatur, fieri potest dupliciter. Vno modo, ut poenitens scriptum tradit Sacerdoti, qui legat, nihil pœnitente voce, aut signo affirmante. Et hæc quidem Confessio eadem præfata ratione non est valida; quoniam per illas literas nihil pœnitens affirmat.

Si verò, cùm singula peccata Sacerdos legit, pœnitens dicat, se fecisse illa, vel nutu capitis, si mutus sit, annuat; tunc est vera Confessio, quia locutioni æquiualeat.

*Quæstio
LIII.*

*Tenetur ne mutus per scriptum
confiteri?*

Respoſio. **N**on: Quia eiusmodi Confessio ex genere suo non est secreta: Quod enim scripsiſti, licet manu teneas, potest Sacerdos subripere, vel tu ex incuria perdere, & multò erit minùs secretum, quam quod eorum interprete

prete profers. Atqui licet Confessio, si publicè fiat, etiam sit vera & legitima: attamen necessarium non est, vt quis sua scelera in publicum deducat; quia Christus, cuius iugum suave est, & onus leue, noluit vt peccata nostra periculo infamiae nostræ exponeremus, & nonnunquam mortis, si publicitatis essent nota.

Matth. 11.

*Licetne nutu confiteri?**Quæstio*

LIII.

Respōsio.

TAM linguae ignarus, quām mutus, qui de religione Confessionis eruditus est, tenteretur meliori, quo potest, modo nutu confiteri. Et ratio est, quia nutus pro vocibus servient; quapropter pari iure, & mutus & loquens ligantur. Dixerim autem incliori modo, quo possit, non quidem quod teneatur summam diligentiam adhibere exquirendi effingendique nutus, quos Sacerdos intelligat: Sat enim est illam præstare, quæ iudicio prudentum in re graui adhiberi debet. Verū si quis potest voce intelligibili confiteri, & non confitetur; tametsi Sacramentum confistat, si integrè confiteatur per nutus: peccat tamen & abutitur donis à DEO sibi datis.

*Quoniam ritu est facienda
Confessio?**Quæstio*

LV.

MAGNA cum humilitate fieri Confessio debet, utpote quæ non ipsi tantum Sa-
cerdoti,